

DE RATIONE,

QUAE

ANIMI FACULTATIBUS CUM MATERIE
CEREBRI CINEREA INTERCEDIT.

DISSERTATIO PHYSIOLOGICA,

QUAM

EX AUCTORITATE ET CONSENSU

ILLUSTRIS MEDICORUM ORDINIS

IN ACADEMIA BONNENSI

PRO SUMMIS HONORIBUS

DOCTORIS MEDICINAE ET CHIRURGIAE

RITE ET LEGITIME CAPESSENDIS

SCRIPSIT ET DIE SEPTEMBRIS MDCCCXXV

PUBLICE DEFENDET

FRANCISCUS GUILIELMUS DOLF,

RHENANUS.

BONNAE,

TYPIS PETRI NEUSSERI.

Glasgow
University Library



RQ
1942/84

PROLEGOMENA.

Cum, finito studiorum academicorum curriculo, de conscribenda commentatione consideratius cogitarem, qua rite AESCULAPIO initiarer; primo novum medicinæ genus, non quidem adhuc inauditum, tamen fere inusitatum, quod ad ἑδρωπα ventriculorum cerebri infantum acutum sanandum excogitavi, et quo jam septem misellis hoc atroci et invicto malo correptis salutem recuperavi, libello divulgare et dilucidare in animo erat. Sed argumentum istud tam grave quam amplum, longioris disputationis, ut quivis facile intelligit, materiem suppeditat, quam ut soliti limites dissertationum istius generis illud apte complecti possent. Quapropter disquisitiones et observationes de hac re institutas, alio tempore forsitan communicandas, inpræsentiarum cohibere, consultius mihi visum est. Quandoquidem vero exinde non solum diligentius et accuratius conditiones, a quibus in universum cerebri vita pendeat, investigandi et perpendendi copiam mihi factam esse viderem, sed etiam et colligendi et componendi omnia, quæ ad naturam et indolem hujus morbi, respectu ad causam occultam omnino adhuc parum cogniti dilucidandam et enucleandam symbolam quandam conferant, fieri non potuit. quin, ut συμπτώματα, quibus ægritudo ista stipari solet, fusius et luculentius explicarem, tum ad commercium respicerem, quod inter singulas cerebri partes existat, tum ad rationem, quam istæ, partim ad animi facultates, partim ad ceteras corporis functiones habeant.

Quæ cum ita essent, primum incidi in connubium, quod diversæ cerebri materiae cum animi facultatibus ineunt. Quo rectius

autem et utilius huic consilio satisfaciam, materiem medullarem interim mitto, solummodo rationem, quæ cineream inter et animum est, succincte expositurus. Quod vero adtinet ad argumenti istius tractationem, hanc sequendam esse putavi, ut primum in univ-
sum disseram de cerebro, quatenus tanquam *πρῶτον αἰσθητήριον* con-
siderari debeat, respectu ad controversiam habito, qua nostris
temporibus in utramque partem disputatur, num cerebrum animi
sedes sit, nec ne. In capite secundo modos præcipuos, quibus
alma natura diversarum animalium cerebrum varia materiæ cinereæ
copia instruxerit, exponam simulque tum de ratione inter utramque
materiem et cineream et medullarem diversa respectu ad ætatis
discrimen, tum de ægritudinibus, quibus cortex corripitur solet, trac-
tabo, et quidem eo consilio, ut exinde lucis quid afferatur, qua
connubium istius partis cum animi facultatibus dilucidare et ac-
curatius definire licet. Denique ultimo animi conditiones, quæ a
cinerea materia pendere videantur, fusius explicabo. Siquidem
in hac sectione, cujus causa potissimum scripsi, demonstrare co-
nabor, in cortice sentiendi vim imprimis sedem obtinere.

Sermonem, ut opinor, purum et latinum curavi. Namque
licet quidem in physiologicis, ubi res spectatur, omne pondus ab
argumentis, quibus positiones firmanur, pendeat, tamen multum
interest, quemadmodum dicas. Est enim, quid deceat, videndum,
non in sentiendiis solum, sed etiam in verbis. Cujus rei ignora-
tione sæpissime a medicis peccatur, qui istam officii perfectionem,
quo et semper utendum est et omnibus omnino negligunt. Unde
nonnunquam fit, ut dum ingenium felix et excellens largas eru-
ditionis copias effundit, vocibus corruptis et barbaris expressas,
talem fere speciem præbeat, qualem segetes fecundæ et uberes,
quæ non solum fruges, verum herbas etiam ferunt inimicissimas
frugibus. *Τὸ τέλειον* non impune læditur.

C A P U T I.

DE CEREBRO, TANQUAM ANIMI SEDE, IN UNIVERSUM.

Iam ab antiquissimis inde temporibus post philosophiam de natura inventam multi fuerunt, nec postea defecerunt, qui arcem Palladis et munitissimam et nobilissimam ¹⁾ summo ardore et indefesso studio oppugnare Deamque ex ea propellere pro virili nitebantur. Sed temere incepta, non ex optato successerunt. Etenim non ita multo post eadem cerebri cubicula, quæ *Aristoteles* ²⁾ tanquam cloacas, in quibus *περίττωια* asservaretur, consideravit, *Galenus* ³⁾, caput medicorum græcorum admirabili quadam scientia et copia præ ceteris pollens, animi principatum tenere, argumentis gravissimis confirmavit et tali modo adversariorum studia priorsus restinxit. Quippe qui etsi non plane veterum doctrinam, quam jam *Alcmaeon* ⁴⁾, *Archytas* ⁵⁾, et inprimis intelligendi gravissimus auctor et magister, *Plato*, protulerant, eandem ⁶⁾ statuit, tamen vir ingenio acerrimo et in plurimorum controversiis dijudicandis natura peracutus, cerebrum in pristinam, quam habuit dignitatem, prudentia et auctoritate, quibus in æquales et posteros dominabatur, restituere studuit. Namque *Plato* potius totum cerebrum, animi esse sedem, dixit, ut ex locis, quos hic afferro, luculentius patet ⁷⁾. *Σχημάτων τε ὅσα ἔμελλεν (ὁ θεὸς) αὐτὸ σχήσεν οἷα τε καὶ ἔκυστα εἶδη τὸν μετὸν αὐτὸν, τοσαῦτα καὶ τοιαῦτα διεκρίψτο σχήματα εὐθὺς ἐν τῇ διατομῇ τῇ κατ' ἀρχάς· καὶ τὴν μὲν, τὸ θεῖον σπέρμα, οἷαν ἄρουραν, μέλλουσαν ἔξιν ἐν αὐτῇ, περιγεῖν πανταχῇ πλάσας, ἐπωνόμασε τοῦ μετεῶν ταύτην τὴν μοῖραν, ἐγκέφαλον ὥς, ἀποτελεισθέντος ἐκάστου ζώου, τὸ περὶ τοῦτο*

1) *Sommer*, de cerebro, arce Palladis uti munitissima sic nobilissima. Viteb. 1595.

2) De part. animal. lib. II. c. 7., lib. III. cap. 4., lib. V. cap. 8.

3) De utilitat. respirat. cap. 5., de *Hipp.* et *Plat.* decret. lib. III. cap. 6., lib. VII. cap. 3.

4) *Plutarch.* physic. decret. 4. 17.

5) *Diogenes* 8. 30. *Plutarch.* l. c. 5. 20. *Stob.* p. 874.

6) *Karst.*, Geschichte der Psychologie, S. 362.

7) *Platonis* quæ exstant, edit Bipontin. vol. IX. pag. 332, 395.

ἀγγεῖον κεφαλὴν γενησόμενον τὰς μὲν οὖν θείας περιόδους, δύο οὕσας, τὸ τοῦ πατρὸς σχῆμα ἀπομιμησάμενοι, περιφέρειές ὄν, εἰς σφαιροειδὲς σῶμα ἐνέδρουν, τοῦτο δ' δὴ τῶν κεφαλὴν ἐπονομάζομεν ὃ θειοτάτον τε ἐστὶ καὶ τῶν ἐν ἡμῶν πάντων δεσποτοῦν· ὃ καὶ πᾶν τὸ σῶμα παρέδοσαν ὑπηρεσίαν αὐτῷ ξυναθροίσαντες θεοί. *Galenus* contra, quamvis in libro quodam cerebrum in universo ipsi pro animi sede placeat, tamen, quod multis locis fusius et accuratius explicat, ejus ventriculos maxime tanquam πρῶτον αἰσθητήριον consideravit. Cui sententiæ postea plerique physiologorum, v. gr. *Nemesius*⁹⁾, *Arabes nonnulli*¹⁰⁾, *Berengarius*¹¹⁾, *Landius*¹²⁾, *Riolanus*¹³⁾, *Albinus*¹⁴⁾, *Hallerus*¹⁵⁾, *Ihlius*¹⁶⁾, *Metzgerus*¹⁷⁾, *Tiedemannus*¹⁸⁾, *Platnerus*¹⁹⁾, *Blumenbachius*²⁰⁾, *Brandisius*²¹⁾ et imprimis *Soemmerringius*²²⁾ adstipulati sunt. Interea sententia ista, cui naturæ scrutatores olim vel plurimum tribuerunt, quamque nuperrime *Doellingerus* ab oblivione vindicare studuit²³⁾, in-præsentiarum, ne tædium nos capiat, tanquam crambe nimis sæpe et inerudite re-petita, ad nugas doctas rejiciatur, necesse est²⁴⁾.

Deinceps alii fuerunt, qui in singulis cerebri partibus animi locum quæsi-verunt. Ita corpus callosum *Bontecoun*²⁵⁾, *Lancisium*²⁶⁾ et *Peyronium*²⁷⁾; centrum ovale *Vicusenium*²⁸⁾ corpora striata *Willisium*²⁹⁾, pons *Varolium*³⁰⁾, cerebellum *Drelincourtium*³¹⁾, medulla oblongata *Schellhammerum*³²⁾, *Hoffman-num*³³⁾, *Blancardum*³⁴⁾, κωράριον *Cartesium*³⁵⁾, *Eschenmeyerum*³⁶⁾, et *Cie-serum*³⁷⁾ arriserunt. Alii denique magis in hisce rebus versati et exercitati hanc provinciam sane valdopere duram cautius susceperunt, quippe qui spinosiora illa,

8) De *Hip.* et *Platon.* decret. lib. VIII. cap. 3.

9) De natura hominis, ed. *Matthæi*. Hal. 1802. p. 173. 10) *Hall.* elem. physiol. Tom. 4. p. 397. 11) Commentar. sup. an. Mund. fol. 444. 12) Pag. 56.

13) *Encheirid.* lib. IV. cap. 2. 14) De natura hom. §. 909. 15) *Element.* physiol. Tom. IV. p. 395. 16) *Anthropologie*, §. 192. 17) *Anthropologie*, §. 120. 18) *Untersuchung über den Menschen*, Thl. 2. 19) *Quæstion.* physiolog. pag. 57. 20) *Institut.* physiol. §. 192. 21) *Von der Lebenskraft*, §. 10. 22) *Das Organ der Seele*, Königsberg, 1796.

23) *Beiträge zur Entwickelungsgeschichte des menschlichen Gehirns*, §. 18.

24) *Rudolphi*, comment. de ventricul. cerebri. Gryph. 1799.

25) *Hall.* bibl. anat. vol. I. p. 673. 26) *Dissert.* de sede cogit. animæ, Ven. 1713.

27) *Memoires de Montpellier* 1708. 28) *Neurograph.* c. 21. et 22.

29) De anima brutorum, cap. 10. 30) *Epist.* ad *Mercurialem*, Patav. 1573. 31) *Opera anatom.* ed. ab *Heyse*. Lugd. Bat. 1684. 22) *Anal.* anat. physiol. pag. 13. §. 25—30. 33) *Phil. corp. human.* pag. 3. §. 12. 34) *Instit. medic.* pag. 253. 35) *Pass.* animæ, Amst. 1664. art. 31. 32. 34. 36) *Psychologie*, Tübing. 1817. 37) *System der Medizin.* Bd. II.

quibus enucleandis veteres fere omnem vitam dicarunt, mittentes, modo in univ-
ersum de connubio cerebri cum animi facultatibus disputarunt. Inter quos, ut
imi subsellii patronos praeteream, praecipue *Zinnius* ³⁸⁾, qui quasi viam ape-
ruit et munivit, *Reiliius* ³⁹⁾, *Autenriethius* ⁴⁰⁾ a *Waltherus* ⁴¹⁾, *Carus* ⁴²⁾, *Tre-
viranus* ⁴³⁾, *Magendius* ⁴⁴⁾, *Hartmannus* ⁴⁵⁾, *Gallius* ⁴⁶⁾, *Rudolphius* ⁴⁷⁾, *Len-
hosseccius* ⁴⁸⁾ flagranti studio et praestantissimo ingenio excelluerunt.

Tandemque nostris temporibus physiologi exstiterunt, qui divinam illam
vim, quæ cerebro inest quamque antiquitas, ut modo enarravi, bene novit om-
nino negarunt, speciemque doctrinae acuminis genere quodam, quod est in repre-
hendendis verbis versutum et sollers, sed sæpe frigidum, interdum etiam facetum,
fucatam sibi finxerunt, qua arcem corporis angustam, quæ et nobilissimum et
praestantissimum servat, quod natura creatrix lucusque producere posse videatur,
petulanter infestant et cerebrum regno privare temere nitebantur. Siquidem
isti ⁴⁹⁾ statuerunt, cerebrum non arctioribus vinculis cum animo esse nexum, ac
ceteræ corporis partes. Unde fit, ut *Jacobi* aliqua ratione saltem alter *Ari-
stoxenus* ⁵⁰⁾ evadat, qui ipsius corporis intentionem quandam, vel ut in cantu,
et fidibus, quæ harmonia dicitur, sic ex corporis totius natura, et figura, varias
motus cieri, tanquam in cantu sonos, animum finxit. Sed dixit aliquid, quod
ipsum quale sit, erat multo ante ejectum et explosum a *Platone* ⁵¹⁾ et alte sede
Palladis matrix seposita mansit, proptereaquod Dea pinqui et invita laborem mo-
liebatur. Ne autem aculeis et stimulis dictionis nimium tribuisse videar, ad scite
refutandam et funditus tollendam *Jacobii* sententiam, qua insitas opiniones evellit,
novas inserens, jam sale utendum. Quod attinet ad ratiocinium, quo nititur, pri-
mum in universum significo, ipsum in commentatione non eundem judicii tenorem
servasse, quoniam initio audax rationem antiquitus stabilitam et receptam, qua
cerebrum intimo connubio cum animi facultatibus jungatur, a se eversum iri non

38) Experimenta circa corp. call., cerebellum etc. in vivis animal. instituta, Götting. 1794.

39) Fieberlehre, Bd. IV. S. 41. 40) Physiologie, 1. 1040. 41) Physiologie, Bd. II.

1. 599. 42) Darstell. d. Nervensystems. S. 20 u. f. 43) Biologie, Bd. VI. 44) Phy-

siologie, übers. v. Heuf. Bd. II. S. 165. u. f. 45) Phys. des Denkens, S. 67 u. f.

46) Hinc inde in libro: sur les fonctions du cerveau. 47) Physiologie, Bd. II. Abth. II.

S. 32. 48) Darstellung des menschl. Gemüths. S. 286.

49) Rasse, Zeitschrift für psychische Ärzte, Jahrg. 1818. Jacobi, Sammlungen f. d. Heilkunde
der Gemüthskrankheiten, Bd. 2.

50) Ciceronis opera, recogn. Schütz. Tom. 14. pag. 46.

51) Platon. Phædo, edid. Wyttenbachius, p. 249.

solum pollicetur, verum etiam addit ⁵²⁾ ipsi verisimile esse et persuasum, ceteras corporis partes ea in provincia cerebrum longe antecellere; sub finem disputationis admodum summisce incedens, jam eo contentus esse videtur, si reliquum corpus respectu ad animum eundem locum occupare ipsi concesseris. Quod cum unicum dubii falsique suspicionem eiere possit, tamen hic non commoremur, sed sedate et placide progredientes singula argumenta, quibus sententiam fulcire studuit, consideratius perpendamus. Librum evolventi statim querimoniam de nefando abusu rationis illius occurrunt, qua diversarum cohortum animalia, si alte et a capite inde ab iis infimi ordinis ad hominem usque repetis, pedetentim proficiant. Cum autem hic nihil, nisi opiniones inanes et conjecturae fuitiles proferantur, quibus sententiam a plerisque naturae scrutatorum quasi sancitam: quo perfectior cerebri compages et structura, eo plenius et enucleatius singulae animi facultates sese manifestant, labefactare tentat, inutile fore, autumo, si in hisce disentiendis diutius versarer. Deinde infititur, motuum arbitrium a cerebro pendere, non dubitans, quin esse possit, ut aliae corporis partes arbitrii sedem locumve suppeditent, licet dissectis nervis, qui ad musculos eunt in iisque dissipantur, impediatur, quominus sub ea rerum conditione motus appareant. Sed quoruat, quaeso, doctrina de natura animalium, si istis insomniis janua aperiretur! sane omnia in pejus verterentur. Cur medicus, dum ad lectum hominis resolutione nervorum afflicti accedit, non in iocinoris labem, aut ventriculi vitium aut in cor degeneratum inquirat? me hereule, quoniam sincera experientia homines edocuit, motum omnino non istis partibus niti. Periculis enim, quae physiologi in animalibus cautissime fecerunt, et morbis a medicis accurate descriptis, procul omni dubio constat, motum proxime referri ad cerebrum et medullam, quae spinæ inest. Ceterum nostro lubentissime concedo, etiam cor, vasa, quae sanguinem ducunt, pulmones, hepar partesque genitales, magnam vim exercere multumque conferre ut in alias animi incitationes ita etiam in motum; sed ejusdem fomitem non constituunt. Præterea sedulo anatomicorum studio compertum habemus, cerebrum cum nervis, qui per totum corpus distribuuntur, perpetuo nexu vincti. Sed non perspicimus, quid ad hanc disquisitionem controversia illa jam dijudicata pertineat, num nervi hinc inde ex corpore oriantur et cerebrum quasi βλάστημα sit, anne potius ex cerebro ipso originem ducant? ⁵³⁾ Sensus denique, qui post

52) l. c. S. 136 et 137.

53) Rudolphi, Physiologie, Bd. 2., Abth. 1., S. 20 u. f.

animi incitationes nonnunquam oriuntur, facile, dum ad cerebrum referuntur, fallere posse, fere neminem medicorum fugit, qui paulo accuratius observarunt atque rationem hujus conditionis intentius investigarunt⁵⁴⁾. Argumentum vero istud hic mittimus, propterea quod ad consilium, quod persequimur non multum facit. Considerans autem vicissim partes, quæ sensibus inserviunt, sedem cerebro adeo vicinam occupare et nonnisi nervorum ope in iis dissipatorum res, quæ extra nos versantur, animum afficere, ut earum conscius fiat, non possumus, quin huic ratiocinationi vel plurimum tribuamus, et ut tandem ad cerebri morbos et vitia progrediamur, quid est, quod clarius *Jacobii* errores convincat, quam argumenta exinde petenda?⁵⁵⁾ Licet quidem in presentiarum nondum eo profecti simus, ut singulis animi facultatibus privas cerebri partes tanquam sedem adsignemus, quod ille callide et argute opponit, tamen nihil obstat, quominus, cerebrum totum *πρωτον αίσθητικον* esse, placeat. Infutandum quidem non est, reliquum corpus etiam magnam vim in cerebrum exserere ita, ut tali modo habitus quasi animi immutari possit et ex visceribus præsertim nobilioribus incitationes oriantur, quibus variæ et eadem diversæ animi partes pellantur, tamen exinde omnino non colligere licet, auriculam aut umbilicum eandem ad animum rationem habere, quam cerebrum. Quod etiam sagacissimus *Willisius*⁵⁶⁾ vir et ingenio præstans et scientia pollens optime perspexit, sed tantum absuit, ut hac ratione nisus, cerebrum regno privare tentasset, ut iudicem non sine argumento cognosci posse opinaretur, quinam cerebri circuli singulis animi partibus convenirent.

Quæ cum ita sint, nihil impedit, quominus jam consilium, cujus causa in primis ad conscribendam commentationem me accinxit, ulterius prosequamur. Itaque primum in capite, quod sequitur, modos præcipuos, quibus materia cerebri cinerea in rerum natura copia diversa aggregata reperiatur, exponam, rati, ut illinc cum quamnam animi facultate connubium ineat, optime crui possit. Quod vero adinet ad compagem et indolem hujus materiæ et ad rationem, quam ad albam habeat, meum non est, ut hic ad vivum resecare moliar, tum ob spatii, quo angimur angustias, tum ob disquisitiones accuratissimas, quas jam physiologi oculatissimi eandem incudem tundentes, ut *Willisius*⁵⁷⁾, *Leuwenhoeceus*⁵⁸⁾, *Ruysschius*⁵⁹⁾,

54) *Scarpa*, anatom. annot. lib. I. cap. 4.

55) *Rudolph*. l. c. S. 33.

56) De cerebro, cap. 1. p. 9.

57) De cerebro, cap. 10. p. 50. 58) *Philosophic. trans.* No. 85. et 168. 59) *Thes.* I. p. 30.

Hallerus ⁶⁰⁾, *Albinus* ⁶¹⁾, *Hamberger* ⁶²⁾, *Fontana* ⁶³⁾, *Soemmerringius* ⁶⁴⁾, *Johnius* ⁶⁵⁾, *Piccelius* ⁶⁶⁾, *Prohasca* ⁶⁷⁾, *Barba* ⁶⁸⁾, *Ceuffelius* ⁶⁹⁾, *Reil* ⁷⁰⁾, *Gallius* ⁷¹⁾, *Carus* ⁷²⁾, *Wenzelii* ⁷³⁾, *Meccelius* ⁷⁴⁾, *Treviranus* ⁷⁵⁾, *Wutzerus* ⁷⁶⁾, *Burdachius* ⁷⁷⁾, *Rudolphius* ⁷⁸⁾, de hac re affatim instituerunt. Materies flava *Soemmerringii* ⁷⁹⁾ et *Gennarii* ⁸⁰⁾, cœrulea *Wenzeliorum* ⁸¹⁾, mollis nonnullorum *Gallorum* ⁸²⁾, et nigra a plerisque physiologorum ad cineream referuntur ⁸³⁾. Sed cum hic experientia fere omnino deficiat non possum, quin istam opinionem valdopere dubiam declarem.

C A P U T II.

DE MODIS PRAECIPUIS, QUIBUS NATURA CEREBRUM DIVERSARUM ANIMALIUM COHORTUM VARIA MATERIAE CINEREA COPIA DITAVIT, ET DE RATIONE INTER UTRAMQUE MATERIEM ET CINEREAM ET MEDULLAREM DIVERSA RESPECTU AD AETATIS DISCRIMEN. ACCEDUNT MATERIAE CINEREAЕ AEGRITUDINES.

Quemadmodum homo in universum a ceteris animalibus quam maxime differt, ita etiam ipsius compages nervorum præ reliquis partibus, e quibus corpus humanum componitur adeo insignis et peculiaris est, ut, dum illi bestiarum comparatur, omnino ipsi proprium quid inesse videatur. Quod argumentum unicum jam sufficit, ut cum animalia distributione quadam in ordines quasi redigantur, homini iuprimis locum singularem et quidem supremum concedamus. Quin imo respectu ad maiorem minoremve materiae cinereae copiam, qua cerebrum diver-

-
- 68) *Element. physiol.* p. 29. 61) *Annot. academ.* I. p. 39. 62) *Ital. l. c.* p. 20. 63) *Wernigst, S.* 373. 64) *Abh. der Münch. Akademie*, 1808. Taf. 1. 65) *Chem. Tab. de* ⁸ *Thierreichs, S.* 74. 66) *Soemmerring, Nervenlehre. S.* 35. 67) *Structura nerv.* p. 67. 68) *Reil, Archiv X.*, p. 461. 69) *Reil, l. c.* p. 133. 70) *Archiv, IX.* p. 885. 71) *Système nerveux, I.* p. 49. 72) *Nervensystem, p.* 57. 73) *De penit. cerebr. structura, Cap. 6.* 74) *Anatomie, Vol. I.* p. 263. 75) *Biologie, Vol. V.* p. 320. 76) *De c. h. gangl. fabric. p.* 53. 77) *Vom Baue und Leben des Gehirns, Vol. I.* p. 32., Vol. II. p. 6. 78) *l. c.* 9. 252. 79) *De basi encephali, p.* 182. 80) *De peculiari struct. cerebri, Parm.* 1782. 81) *l. c.* p. 186. 82) *Cuvier, vergl. Anatomie. Vol. II.* p. 94. 83) *Meccelius, l. c.* *Carus, Nervensystem p.* 65. *Burdachius, l. c. Vol. I. p.* 169. *Rudolphius, l. c.* p. 15. 1) *Rudolphus, Physiologie Bd. 2. Abth. 1. S.* 7.

sorum animalium præditum est, ipse seorsum ponatur necesse est, propterea-
quod minimam ejus vim in homine cernere licet eamque ob causam (quod
postea magis elucebit) longe nobilior et præstantior evadit. Ne autem hæc
sententia tanquam futilis respuatur et rejiciatur, præsertim cum viri²⁾ admodum
egregii hac in re mihi refragantur, non inutile fore existimo, si eam argumentis
sat firmis fulcire studebo. Quod ut assequar omnia animalia secundum cl. *Ru-*
*dolphium*³⁾ in sequentes familias dispono: ut exinde facillime ab homine usque ad
infimi ordinis animalcula materiem nervorum cineream copia proficientem quasi
uno conspectu cognoscere possis. Quarum prima, quæ animalia nervis prædita
(phaneroneura R.) complectitur, in duos ordines dispescitur. Priori animalia, quæ
duplex nervorum compagis genus exhibent (diploneura R.) inseruntur, posteriori
vero ea inscribimus, quæ simplicem istius modi compagem (haploneura R.) ma-
nifestant. In illa enumerantur animalia mammis prædita, aves, amphibia et pisces.

Hominis cerebrum mittimus, cum rationes, quibus diversa copia materies ci-
nerea accumulatur, notissimæ sint. Quod adinet vero ad cerebrum animalium
mammis præditorum, primum corpus callosum, quod in avibus deficit, tanquam
commissuram, qua lobi cerebri insignes arectiori vinculo nectuntur, invenimus.
Præpollens materia fibrosa exigit istam commissuram, qua partes cœrceantur. Namque,
cum in avibus pedunculi cerebri magni in lobos profecti jam statim in gangliorum
formam immutantur ita, ut cerebri pars anterior fere prorsus ex materia cinerea
constet, quod et conformationem istarum partium, qualis in animalenlis inferiorum
ordinum apparet, in memoriam redigit, ubi etiam accumulatione istius materiæ
præcipue efficitur, ut cerebrum prævaleat, ita e contra in cerebri lobis animalium
mammis præditorum procul omni dubio medulla præponderare videtur⁴⁾. Quem-
adinodum autem animalium series in universum si inde abs homine repetis, pe-
detentim, dum ad animalia inferioris cohortis prosequeris, materia cinerea evi-
denter proficiunt, ita etiam in istis animalibus jam observare licet, in minus per-
fecti sensim sensimque medullam diminui. Tali modo a gliribus, in quibus
cortex abundat ad aves transimus.

a) Guvier, Vorlesungen über vergleichende Anatomie, übersetzt von Meckel, Thl. 2. S. 93.

3) Beiträge zur Anthrologie und allgemeinen Naturgeschichte. S. 81.

4) Carus, Versuch einer Darstellung des Nerveninhalts, S. 223.

Omnes, qui avium cerebrum diligentius pervestigarunt, ut *Hallerus* ⁵⁾, *Blumenbachius* ⁶⁾, *Carus* ⁷⁾, *Tiedemannus* ⁸⁾, *Francius* ⁹⁾, *Meccelius* ¹⁰⁾, *Treviranus* ¹¹⁾ in eo conveniunt, maximam in eo materiæ cinereæ copiam reperiri. Præcipue in interioribus posita est, quod *Willisius* jam invenit. In *παρεγκεφάλιδι* vero solito more ad exteriora spectat. Cum jam ad amphibia ventum est sane animalium classem, in qua si uspiam alias, conformationem perpetue gradu perfectioni deficientem admirari licet, *Sprengelii* ¹²⁾ opinionem, primum in avibus duplicis substantia vestigia reperiri, tanquam falsam rejicimus. Pars antica cerebri ranarum duas portiunculas monstrat, quæ omnino gangliorum naturam et formam præ se ferunt. Pars media et postica etiam plus minusve colorem e rubro glaucum habent. Quod adinet denique ad partem illam extremam, cujus ratio ad reliquam cerebri molem, adhuc perobscura, mihi persuasissimum est, illam quasi rudimenta cerebelli formare. Testudines fere eandem cerebri speciem nobis ostendunt; ganglia olfactoria ex fibris, quæ ex partibus cerebri mediis originem ducunt. Eodem fere modo serpentum et lacertarum cerebrum paratum est; modo quod hic major medullæ copia. Piscinum cerebrum nihil est nisi series gangliorum quædam non omnino quidem a se invicem sejunctorum, sed fasciculis medullæ spinalis in cerebrum propagatis intime vinctorum. Ganglia non materiam solam cineream continent, verum etiam fibrosam, quod v. g. in anguilla observatur, ubi funiculi medullæ spinalis in ganglion olfactorium propagantur. Accedimus jam ad animalia, in quibus simplex nervorum compages conspicitur, quæque porro in cohortes duas dividuntur. Prior animalia, quæ columnam medullarem cordæ spinali animalium superioris familiæ similem habent, complectitur, posterior vero illa, quæ talem fere nervorum compagem monstrans, qualem gangliorum series in illis animalibus, de quibus modo tractavimus.

Interea spatii angustia impediunt, quominus animalia, quæ vertebrarum columna carent, sespectu ad majorem minoremve materiæ cinereæ copiam et indolem peculiarem, singulatim examinemus. Quapropter non passum, quin lectores petam, ut libros, in quibus de hac re fusius tractatur, adeant. Ceterum, ne videatur, corticem in crustatis, insectis et araneis speciebus desiderari ¹⁴⁾, pervestigaciones

5) Opera minor. Tom. III. 6) Vergl. Anatomie. S. 814. 7) l. c. S. 196. 8) Zoologia.

Bd. II. S. 12. 9) Reil's Archiv, Bd. II. S. 220. 10) Meckel's Archiv, Bd. II. S. 25.

11) Biologie, Bd. VI. S. 165.

12) Institut. medic. Tom. II. pag. 185.

14) Cuvier l. c. p. 94.

*Swamerdamii*¹⁵⁾ in memoriam revoco, qui jam in apibus materiem cerebri cineream pulcre medullari interpositam observavit. Quousque anatomici cultro penetraverunt nervosque invenerunt¹⁶⁾ eo usque materiam cineream pedetentim copia proficientem prosequi licet. Quin imo *Gallius*¹⁷⁾, corpus polyporum ex ista materia constare censet.

Enarratis præcipuis modis, et conditionibus variis succinete expositis, quibus cortex diversa copia in animalium ordinibus reperitur, jam contemplari juvat, quæ admodum ipsius copia pro ætatis discrimine in una et eadem specie variet. Quod re vera nullibi adeo mirum in modum apparet, quam in homine. Experientia enim physiologi didicerunt, ne quaquam in fetus cerebro utramque materiem inveniri, e quibus in hominibus post partum componitur. Initio, uti medulla, quæ spinæ inest, liquor pellucidus est; paulatim fit tenacius; dein sensim sensinque duriusculum evadit, ubique colorem rubrum et subbalbicum præ se ferens. Omnes cerebri partes, quæ in homine jam adulto materie cinerea abundat, v. g. pedunculi, ubi nigra vulgo nuncupatur, corpora striata, colliculi nervorum opticorum; modo vasa, quæ sanguinem ducunt, in hisce ampliora reperiuntur, quam in illis partibus, quæ in ætate provectoris, medulla constant. Ita *Wenzelii*¹⁸⁾, *Meccellius*¹⁹⁾, *Tiedemannus*²⁰⁾, *Reilii*²¹⁾ et *Socmmerringius*²²⁾ referunt. Quod adinet ad statum tempus, quo utraque materis in conspectum venit, compertum habemus, infantis ex nati *μετέωρον ὄρασις* ipsas adeo distinctas exhibere, uti postea apparere solent; modo, quod memoratū dignissimum esse videtur, pro rata huicce corporis parti major copia ejus inest, quam in paululum adultioribus. Dum crura versus faciem posteriorem tendunt, in utraque parte aperte conspicitur. Inferior pars medullæ spinalis omnino ex cinerea constat. Mense post partum præterminso, primum in cerebello, in quo et in posterum copiosior²³⁾, quam in cerebro observatur, rami tennes arboris, qui vitæ dicitur, nondum medullares evadunt corpusque ciliare majus apparet, quam paulo post occurrere solet. Modo

15) *Bibl. natur.* p. 498.

16) *Haller, element. physiolog.* Tom. IV. p. 252. *Carus, l. c.* p. 67. *Rudolphi, l. c.* *Meccell, Anatomie*, Vol. I. p. 303.

17) *Anatomie und Physiologie des Nervensystems* p. 91.

18) *De penit. cerebri struct.* p. 299. 300. 19) *Deutsches Archiv für Physiologie*, Vol. I. p. 418.

20) *Bildungsgeschichte des Gehirns*, p. 80.

21) *Reils Archiv*, Vol. VIII. pag. 363.

22) *Nervenlehre* s. 37.

23) *Autenrieth, Physiologie*. Vol. III. 27.

dum stratum pollicem altum removeris medulla conspicitur, quae Zonula rubra cingitur. Corpus callosum cinereum sæpissime colorem exhibet, et omnes partes, quæ in ventriculis reperiuntur, corticis structuram monstrant. Pedunculi cerebri versus inferiora et præcipue intus, plerumque autem quoad maximam partem fusco colore induti sub oculos cadunt. In corporibus striatis et cinerea et medullaris materia singulatim obveniunt atque discrimen apertius monstrant, quam postero vitæ tempore. Ceterum constat, quod et optimi scriptores contendunt, quamvis nonnulli referant, circa mensem sextum post partum fere eandem utriusque materiae copiam ac postea, cum homo jam adoleverit, adesse posset ²⁴⁾, in cerebro infantum, testibus *Teissierio* ²⁵⁾, *Ludwigio* ²⁶⁾ et *Soemmerringio* ²⁷⁾, semper materiem cineream præponderare.

Quod spectat ad morbos, quibus cortex nonnunquam affligitur, et quidem præcipue ad animi mentisque alienationes, quæ exinde originem ducunt, jam dudum medicis vel persuasissimum est, eos vel impotentia facultatum vel ratione turbata atque perversa imprimis niti ²⁸⁾. Prior species, quæ vulgo dementia audit, sæpius observatur. Qua afflicti facultate plerasque animi functiones exercendi fere omnino carent. Sensus vel integri sunt vel impediti, ut fortiores duntaxat et rudiores impulsus auditum aut visum feriant. Recordatio haud juxta ac imaginatio labascit; imaginationis vero nulla vis est, hinc ingenium tenue, tarda intelligentia, judicium puerile. Cum voluptatum genere, quod altioris indaginis est, non delectentur, more brutorum eos amant, qui vel cupedias vel alia sensuum oblectamenta largiti sunt. Libidinosi igitur et salace, gulones etiam et bibuli esse consuescunt. Dum in cerebrum tali vitio mortui inquirimus, vix ac ne vix quidem materiae cinereæ vestigia reperies ²⁹⁾. Ubi cortex inflammatione corripitur, altera animi alienatio oritur, quam furorem dicimus. Violentissima insanæ species, qua et voluntas pervertitur et vehementissimi musculorum motus, et ipsi et aliis noxii efficiuntur.

24) *Meccelius*, l. c. 25) *De substantia corticosa ac medullosa cerebri*, Lugd. Batav. 1710. p. 7.
 26) *De ciner. cerebri. substantia*. p. 22. 27) *Vom Bau des menschlichen Körpers*, Vol. V. p. 28.
 28) *Rostan*, *Untersuchungen über die Erweichung des Gehirns*, übersetzt von *Fechner*, Leipzig 1824. S. 272.
 29) *Marshall*, *Untersuchungen des Gehirns im Wahnsinn und in der Wasserscheu*, übers. von *Romberg*, Berlin 1820 p. 118 u. f.

CAPUT III.

DE ANIMI FACULTATE, QUAE A MATERIE CEREBRI CINEREA PENDERE VIDETUR.

Materie cerebri cinerea a *Vesalio*) reperta, fieri non potuit, quin phsyologi in cerebri partium functiones inquærentes etiam eo uiterentur, ut efficaciam huic parti forsân peculiarem investigarent. Inde factum est, ut plures eæque quandoque diversæ sententiæ divulgatæ sint. Siquidem nonnulli eam pro unica animi facultatum sede habuerunt; alii econtrario fabulati sunt, modo eo consilio adesse, ut cerebrum haberet, unde alimenta capere posset. Cujus rei conatus, quos *Willisius* ²⁾, *Malpighius* ³⁾, *Boerhavius* ⁴⁾, *Ludwigius* ⁵⁾, *Hallerus* ⁶⁾, *Mayerus* ⁷⁾, *Accermannus* ⁸⁾, *Reilii* ⁹⁾, *Gallius* ¹⁰⁾, *Wenzelii* ¹¹⁾, *Prochaska* ¹²⁾, *Delays*, *Fovillius*, *Pinelii*, *Rostanius* ¹³⁾, *Treviranus* ¹⁴⁾, *Waltherus* ¹⁵⁾, *Meccelius* ¹⁶⁾, *Carus* ¹⁷⁾, *Tiedemannus* ¹⁸⁾, *Emmoseerus* ¹⁹⁾ et *Car. Mayerus* ²⁰⁾ ceperunt, persuasissimum nobis reddunt, quam difficile sit eruere connubium, quo vel animus totus vel saltem pars quædam ipsius cum materia cerebri cinerea jungatur. Itaque est opus arduum, quod inpræsentiarum suscipere constitui. Sed nihil difficile amanti puto.

Dum gradus præcipuos ac modos, quibus alma natura ordines animalium respectu ad majorem minoremve materiæ cinereæ copiam diversos posuerit et duxerit, sane non possumus, quin miremur, quam prompte et clare a gangliorum seu materiæ corticis tumorum forma sensim sensimque adscendant ad perfectissi-

1) De corp. human. fabric. lib. VII. Basil. 1543. libr. sept. cerebr. et cap. CurChoulantio Car. Stephanum inventorum statuere placuerit, equidem non video. Namque iste opus, de dissect. part. corp. human., primum Paris. 1545 vulgavit. Vide *Pierer*, Anatomisch-physiologisches Realwörterbuch, Bd. 3. S. 629 et *Halleri* biblioth. anatom. Tiguri 1774. Tom. I. p. 165.

2) De anima, cap. 10. p. 50. anatom. cerebri p. 93. 3) p. 83. 4) Impet. fact. Hippocrat. p. 84.

5) Ciner. cerebr. subst. p. 32. 6) Element. physiolog. p. 392. 7) Beschreibung des Nervensystems p. 87. 8) Nerv. syst. primar. p. 98. 9) *Reil's* Archiv. vol. IX. p. 495. 10) Systeme nervenz, I. p. 75. 11) De penit. cerebr. structur. p. 69. 12) Structura nerv. p. 67. 13) Erweichung des Gehirns p. 14) Biologie, vol. V. p. 166. 15) Neue Darstellungen aus der Gallischen Gehirn- und Schädellehre, München 1804. p. 151. 16) Anatomie, Vol. I. p. 310. 17) Nervensystem, p. 103. 18) Anatomie und Bildungsgeschichte des Gehirns, p. 89. 19) Ueber die nähere Wechselwirkung des Leibes und der Seele, Bonn 1825. p. 32. 20) Postea præceptoris clariss. sententiam proferam.

nam illam summeque compositam nec tamen minus satis junctam cerebri humani compagem, quæ utramque materiem et medullarem et cineream in omnibus prope modum partibus distincte sejunctam monstrat et stupendo fere artificio medullam adeo elaboratam ostendit, ut ratione ad corticem, qui in animalibus inferiorum ordinum majori copia apparet, tantopere præpolleat. Quodsi neque ullum animal reperiatur, cui modo vestigia nervorum insunt, in quo non simul diversitas ista materiæ observetur²¹⁾, jam inde colligere fas est, hanc fabricam pro diversis animalium speciebus ac pro earundem diversa ætate omnino variam, licet sub certis conditionibus cetera fere eadem perseverent, quam plurimum conferre ad constituendam animi efficaciam non solum, sed etiam quam maximi momenti esse ad fingendum ejus habitum peculiarem ita, ut altera alterave facultas, quæ animo inest, illi cinerea cerebri parti quasi correspondere videatur. Quod cum plures physiologi et psychologi jam dudum optime perspexerint, functionem istius generis accuratius enucleare pro virili nitebantur. Sunt autem nonnulli, qui postquam compertum erat, materiem, in quam cautius inquirimus, et in primis eam, quæ toros marginales conformat, majori ac medulla vasorum copia abundare, exinde statuere ausi sint, illam prorsus nullam ad animum rationem habere, sed modo esse idoneam, ut illuc medullæ alimenta advelerentur. Tantum quidem abest, ut equidem majorem in cortice vasorum copiam negare audeam, ut ea in re potius iis adstipuler, quæ *Willisius*²²⁾, *Leuvenhoeccius*²³⁾, *Ruysschius*²⁴⁾, *Ridleyus*²⁵⁾, *Hallerus*²⁶⁾, *Albinus*²⁷⁾, *Soemmerringius*²⁸⁾, *Gordonius*²⁹⁾, *Meccellius*³⁰⁾, *Treviranus*³¹⁾, *Rudolphius*³²⁾ alique complures observarunt, tamen non possum, quin ingenue fatear, me prorsus fugere, quomodo physiologi in illam sententiam sane ineptam inciderint. Quod adinet ad *Gallium*, qui ex uberrima et amplissima materiæ cinereæ aggregatione, ubi nervorum fasciculi aut fibrillæ medullares oriantur, dispergantur et augeantur, colligi posse existimat, veram esse nervorum matricem et nutricem, significare juvat, illum a *Tiedemanno*³³⁾, scrutatore oculatissimo, prorsus refutari, quippe qui jam primis graviditatis mensibus origines nervorum spinalium vidit, licet ne vestigia quidem materiæ cinereæ tum

21) *Rudolphi*, Physiologie. Vol. II. sect. I. p. 16.

22) *Cerebrum*. c. 10. p. 50. 23) *Philosoph. transact.* 1685. Nro. 156. p. 883. 24) *Thesaurus I.* p. 30. 25) p. 27. 26) *Elem. physiol.* p. 29. 27) *Adnot. academic.* I. p. 39. 28) *Abhandlungen der Münchner Akademie*, 1808. Tabula I. 29) p. 126. 30) *Anatomie*, Vol. I. p. 246.

31) *Biologie*, Vol. 5. p. 320. 32) *Physiologie*, Vol. II. sect. I. p. 15.

33) *Anatomie und Bildungsgeschichte des Gehirns*, pag. 85.

temporis apparuerint. Denique opinio, quam *Monrous* ³⁴⁾, *Gallius* ³⁵⁾, *Sprengelius* ³⁶⁾ et *Carus* ³⁷⁾ vulgaverunt, dum per corpus sese propagant, non modo materia cinerea stipari, sed etiam sub finem, ubi omnino dissipati quasi in eam solverentur, plane rejicienda est, cum lucusque, ut *Meccelius* ³⁸⁾ et *Rudolphius* ³⁹⁾ recte aiunt, nemo tale quid oculis pereeperit.

Alii autem fuerunt v. g. *Rostanius*, *Delaius*, *Fovillius* et *Pinelius* ⁴⁰⁾, qui sententiam modo refutatam irridentes materiae cinereae quasi principatum tribuerunt ipsamque animi esse sedem locumque dixerunt. Quod itaque *Piccolominius* ⁴¹⁾ et *Boerhavius* ⁴²⁾ modo obiter significarunt id physiologi Gallorum nostris temporibus sibi re finxerunt. Sed opinio ista utique redarguitur, tum quod observationes, quibus fulciatur, non sat accurate et fideliter institutas esse censeo, tum quod rationi, qua materia cinerea in animalibus diverse distributa est, manifeste repugnat. Siquidem inde fluere, necesse est, ut in animalculis inferiorum ordinum intelligentia perfectior reperiatur, quam in homine; quoniam ipsius cerebrum praeter ceteris animalibus minimam materiae cinereae copiam nobis ostendit.

Præceptor egregius et de rebus physiologicis valdopere meritis *Mayer*, mihi benigne concessit, ut ipsius de nostro argumento sententiam, quam in prælectionibus de physiologia habendis tradere solet, hac commentatione vulgarem. Qui vir ingeniosus acute statuit, materiem cineream quasi elementum suppeditare, in quo motus et vibrationes fibrarum medullarum verisimiliter animi actiones concomitantes facilius et liberius peragi possent. Superest, ut tandem *Treviranum* ⁴³⁾ audiamus ejusque opinionem, qua instinctus cujusdam sedem in cortice ponit, radicitus evellamus.

Quæ, dummodo primoribus quasi labris gustetur, speciem veri quandam præ se ferre videtur, ad vivum autem resecata, perspicuum fit, non minus argumentis sat firmis, quibus fulciatur, carere, ac ceteræ, quas lucusque physiologi proposuerunt. Mihi id consilii est, ut rationibus partim ex ipsissimi operibus petitis partim aliunde allatis, sententiam istam refellam et funditus tollam.

34) p. 23, 35) *Système nerveux*. I. p. 124 et *Spurzheim* p. 20. 36) *Institut. medic.* Vol II. p. 191. 37) *Darstellung des Nervensystems*. p. 103.

38) *Anatomie*. I. p. 309. 39) *Physiolog.* Vol. II. Sect. I. p. 14.

40) l. c. p. 272.

41) *Lib. V. lect. 3.* p. 252. 42) *Quat. lib. III. c. 3.* p. 316.

43) *Biologie*, Vol. VI. pag. 166.

Ille autem sic ait: credo equidem cerebri nervorumque efficacitatem a cortice omnino pendere. Quæ enim ad altiore conditionem erecta suique conscia eo magis ad eam animi perfectionem accedit, quæ animalia diversa sese sponte sua juxta formam primitus mente comprehensam, rebus, sub quibus vivunt, accommodant, quo distinctius medulla a materie cinerea discernatur. Ubi vero non adeo subtiliter directæ apparent, ibi animalia absque omni indagine viribus animo insitis quasi caeca diriguntur. Cum vero omnes animi functiones, quæ ex instinctu fiunt, potius ad causam referendæ sunt, quæ ipsi animo inest, quam, quæ extrinsecus vim exseruit, enimque instinctus præcipue in avibus, amphibis et piscibus vigeat, inde explanari potest, cur cerebri trium inferiorum animalium classium, majorem, respectu ad medullam habito, materie cinereæ copiam possideat, quam in animalibus mannis præditis. Quæ quidem etiam, dum homini comparantur ejusdem materie copia præpollent. Superfluum foret, viri egregii commenta hic fusius enarrare, cum in libro, quem modo laudavimus, commode legi possint. Nos examini incumbere oportet, quo in sententiam inquiritur, an vera sit, nec ne. Quid? Si rogavero, quidnam sit instinctus. Plerique physiologorum tam diversas et controversas opiniones de notitia hujus facultatis accuratiori exhibenda habuerunt, ut deus aliquis viderit, quæ ex hacce fabularum farragine, ad veri simillimam proximè forsitan accedere videatur. Hæc enim vox plerumque apud scriptores occurrit, ubi naturam et indolem incitationum, quibus animus pellitur, paululum scitius significare non possunt. Unde fit, ut res jam obscuras majoribus tenebris obruant. Quod cum ita sit, necesse est, ut in posterum vel prorsus explodatur et rejiciatur vel sensus, qui sub ea lateat, accuratius definiatur et diligentius, quam a plerisque fieri solet, respiciatur. Inpræsentiarum nihil est nisi vocabulum inane, cum quo sedula et incrudita scriptorum caterva operam temerarie lasit. Ita nonnulli, licet ceteroquin viri ingeniosissimi, instinctum vini quendam vocaverunt, quæ adinstar affinitatis ⁴⁴⁾, qua in rerum natura corpuscula concursu quodam fortuito ligantur et solvuntur, sese manifeste, cujusque impulsu animalia citata absque omni arbitrio agere incipiunt. At sane, si bestiarum animi nil, nisi tale quid essent, reapse iis non convenirent. Quæ in re *Laplacius* ⁴⁵⁾ consultius fecisse mihi videtur, qui quidem etiam de specie affini-

44) Wagner, die Natur der Dinge, Leipzig 1803, 4. 471—473. *Wenzelii* l. c. p. 246.

45) *Essai philosophique sur les probabilités*. 2. édit. Paris 1814 p. 173.

tatis quadam disserit, secundum quam animalia inferiorum ordinum varia opera usque eadem faciunt; sed eam ad *quadrupeda* refert, quæ ab aliis animi motibus luculenter distinguit quæque simulacrum illius efficaciæ constituunt, quæ in rerum natura et connubium et sejunctio corporum efficitur. Notio instinctus, quæ vulgo exhiberi solet et quam *Hartmannus* ⁴⁶⁾, *Burdachius* ⁴⁷⁾, *Lenhosseccius* ⁴⁸⁾ et *Magendius* ⁴⁹⁾ unperrime proposuerunt valdopere vaga et manca est, proptereaquod animalia sapientius vitæ actiones exercent, quæ quidem ab omnibus in seriem earum poni solent, quas instinctus quidam præcedit, licet incitatio ad tales animi motus non ea sit, quam fere omnes tanquam instinctui peculiarem prædicant. Ita fascinationis exempla, quæ *Moutaignius* ⁵⁰⁾, *Calmius* ⁵¹⁾, *Michaelis* ⁵²⁾, *Bartramius* ⁵³⁾, *Dobrizzheffer* ⁵⁴⁾, *Forster* ⁵⁵⁾, *Borrerius* ⁵⁶⁾ et *Zimmermannus* ⁵⁷⁾ fideliter enarraverunt et præ ceteris illa motuum miracula, quæ *Agardhii* ⁵⁸⁾ in animalium rudimentis (sic enim dici possunt) observavit et ingeniosissime explicavit, ubi *Moræ Lens M. ll.* et *Fibris Bacillus M.* versus os apertum ventriculi *Forficellæ Convallariæ M.* pellebantur, ut quamvis reluctantes dum in eo condita sint, luculenter monstrant, notitias lucusque exhibitas prorsus non sufficere. Quæ cura jam *Trevirani* sententiam refellere possint, quoniam ipse non accuratorem instinctus definitionem dedit, tamen ceteris non supersedendum censui. Quippe *ip. Linnaeus* ⁵⁹⁾ alibi inquit, instinctum in nervis singularum corporis partium esse situm, rationem inserens, animalia non perinde instinctu proficere ac cerebri compagem perfectiorem evadere.

Superest ut tandem meam de connubio, quo animus cum materia cerebri cinerea iungitur, sententiam proferam. Ad argumenta, quæ capite secundo tradidi,

46) *Physiologie des Denkens* p. 234. 47) l. c. vol. I. pag. 50. 48) l. c. p. 9. 49) *Précis élémentaire de physiologie*. Paris 1825. Tome premier, p. 207.

50) *Gedanken und Meinungen über allerlei Gegenstände*. Vol. I. p. 176. 51) *Abhandlungen der Schwed. Akad. der Wissensch.* J. 1753. S. 61. 52) *Göttingisches Magazin von Lichtenberg und Forster*. Jahrg. 4. R. 4. S. 114. 53) *Berliner Magazin der Reisebeschreibungen*. Vol. X. 54) *Geschichte der Abiponer*. Thl. 2. S. 338 u. f. 55) *Berl. Magaz. der Reisch.* Bd. 12. 56) *Reisen in das Innere von Südafrika*, Leipzig 1801. S. 174. 57) *Bartou*, über die vermeinte Zauberkraft der Klapperschlange, S. 7. 58) *Beobachtung einer der Zauberkraft höherer Thiere ähnlichen Erscheinung bei Infusorien*. vide *Verhandl. der K. L. K. Akad. der Naturforscher*, Vol. II. p. 129.

59) *Biologie*, Vol. V. p. 436—440.

respiens, mihi persuasissimum fit, sentiendi facultatem imprimis a materia cerebri cinerea pendere. Namque homo, cum fetus curriculum degit, animi expertus est; ut *Bichatius* ⁶⁰⁾, *Platnerus* ⁶¹⁾, *Herholdtius* ⁶²⁾ et *Nassius* ⁶³⁾ jam opinabantur; quoniam diversitas materierum, quarum conflictu animi incitationes exoriuntur, plane deficit. Quae quidem ratio mihi unica esse videtur, qua sententia, fetum animo carere, rite firmari possit. Post partum vero prae ceteris animi facultatibus sentiendi vim praepollere, omnes psychologi unanimis contendunt ⁶⁴⁾. Quae animi pars etiam, si inde abs homine repetens animalium seriem usque ad minus perfectorum cohortes persequeris, postquam ceterae fere omnes evanuerunt, quasi totum animum constituere videtur. Et quae tandem ratio luculentius convincit, sentiendi facultatem praesertim in cerebri cortice sedem habere, quam vitia, quibus iste corripitur. Namque omnia *συμπτώματα*, quibus stipari solent, ad sensum perversum et turbatum referuntur ⁶⁵⁾.

60) *Recherches sur la vie et la mort*, art. 8. §. 1. 61) *Quaestiones medicinae forensis*, Lipsiae, 1824. p. 259—263. 62) *De vita foetus*. 63) *Zeitschrift für die Anthropologie*. Jahrgang, 1824. Heft I.

64) *Nasse l. c.* p. 13.

65) *Lenhosséc, Darstellung des menschlichen Gemüths*, Vol. II. p. 7.

FRANCISCI GUILIELMI DOLFII VITA.

Natus sum Bedoburgi, quod circiter quindecim milia passuum a Colonia Agrippina abest, ex ante diem septimum Calend. Decembr. MDCCC, patre *F. A. Dolf* et matre *El. Cemps*, qui summo studio curarunt, ut mihi jam a teneris unguiculis prima literarum elementa traderentur. Quo consilio ludimagistrum frequentavi et ab addiscenda lingua vernacula, francogallica et latina initium feci. Postea in Gymnasium, quod apud Agrippinates est, delatus ab ill. *Seber*, qui jam Rhenanam ornat, tum temporis vero illi scholæ præfuit, in classem quintam susceptus sum. Ibi per annos quatuor et dimidium commoranti, præceptores optimi: clar. *Dilschneider*, clar. *Goeller*, clar. *Nussbaum*, clar. *Ohm*, clar. *Rigler*, ill. *Seber*, clar. *Villmann* eas disciplinas artesque impertierunt, quibus puerilis aetas in hisce synagogis literariis, quemadmodum rerum conditiones aevi nostri exegerunt, inutatis et reformatis, imbui solet. Primam ingressus, semestri spatio hiberno prætermisso, ob adversam valetudinem, in domum patris me contuli. Mox ancipiti morbo liberatus anno MDCCCXXII in Academiam Rhenanam migravi, ibi rei medicæ, quam præ ceteris amo, operam navaturus. Ill. *Gratz*, rectore magnifico, ill. a. *Walther* tum temporis ordinis medicorum decanus, me numero eorum adscripsit, qui medici fieri student. Etsi vero potissimum arti saluari, non tamen huic unicæ, postpositis et neglectis ceteris, studui, sed illis etiam disciplinis, quæ philosophiæ annumerantur, pro virili parte incubui. Quare ab ill. *Heinrich* benigne exceptus Seminarium Regium Philologicum ingressus, tanquam sodalis extraordinarius illarum exercitationum, quæ in illo ill. *Heinrich* direttore et ill. *Vaecke*, inspectore, habentur, per annum integrum participi fui. Quorum ille Thucydidis librum de bello peloponesiaco et Horatii odas; hic vero Virgilii carmina *κατάληκτα* et Platonis Alcibiadem secundum interpretanda proposuerunt. Præterea Pindari carmina et Horatii odas ab ill. *Welker*, carmen de Nibelungis ab ill. a. *Schlegel*, in præsentiarum capite Academiæ magnifico, ab ill. *Brandis τὰ μετὰ τὰ γράμματα* Aristotelis explicari audii. Ill. *d'Alton* Graecorum Romanorumque Architecturæ archaeologiam et ill. *Hüllmann* res a Germanis gestas et historiam imperii germanici illamque mercaturæ mihi exposuerunt. Lectionibus philosophicis, quas ill. *Seber* de psychologia et logica, ill. *Nasse* de anthropologia, ill. *Calher περί τῶν μετὰ τὰ γράμματα*, ill. *Brandis* de Cantii et Fichii placitis philosophicis recte enucleandis habuerunt, interfui. Quod adtinet ad physica, ill. *Nees ab Esenbeck* sen., philosophiam de natura et botanicen, ill. *Nees ab Esenbeck* jun., doctrinam de plantis cryptogamis ac medicinalibus (quo duce etiam per duo semestria spatia æstiva, agrum vicinum silvas-

que peragravi, ad indagandas plantas indigenas, ill. *Goldfuss* Zoologiam, Zootomiam et Mineralogiam, ill. *Bischoff* Chemiam experimentalem, Zoochemiam et Phytochemiam, ill. a *Münchow* Physicam et Astronomiam me docuerunt.

Ratio vero studiorum medicorum hæc fuit: ill. *Weber* de osteologia et anatomia, ill. *Mayer* de anatomia tam generali quam speciali, ill. *Nasse* de physiologia hominis et animalium ter, ill. *Harless* de pathologia generali, de cognoscendis et curandis morbis inflammatoriis, et de pharmacologia et semiotice, ill. *Stein* de arte obstetricia et operationibus ejusdem generis, quibuscum exercitationes junxit, ill. a *Walther* de chirurgia, de operationibus chirurgicis bis, de ossibus luxatis fractisque, de fasciis et deligationibus chirurgicis et de morbis oculorum; ill. *Nasse* de Therapia tam generali quam speciali bis, de diagnostice et de morbis animi mentisque; ill. *Bischoff* de medicina forensi disserentes frequentavi.

Ceterum exercitationibus anatomicis ill. *Mayer* et *Weber*, medicis ill. *Nasse*, chirurgicis ill. a *Walther*, obstetriciis ill. *Stein* dueibus operam dedi.

Per semestre spatium aestivum, quod jam excurrit, prælectiones ill. *Schlegel*, de re metrica linguae patriae et dictionis poeticae indole exemplis, quas e carminibus poetarum nostratium petiit, illustratis; ill. *Niebuhr*, de rebus Graecorum post pugnam Chaeronensem gestis; ill. a *Walther*, de ossibus luxatis fractisque adii.

Cum Natalitiis regis nostri potentissimi anno MDCCCXXII gratus medicorum ordo hanc quæstionem proposuisset; Exhibeatur febris synochi sive putridæ veterum definitior notitia ejusque certior diagnosi generica, non solum hujus febris decursum exitusque in genere describendo sed ipsam tam cum typho quam cum causode et cum aliis febribus simile quid habentibus comparando, me certamini accingere ausus, in arenam descendi. Libellus, quem ordini apollineo exhibueram, „ob ingeniosam argumenti tractationem et diligentiam, quam agnoscere licuit“ præmium regium unanimi ordinis consensu retulit. Quod reliquum est, ne oblitus videar præceptorum pia memoria usque prosequendorum, hic publice significo et spondeo, me, dum spirem, animum probum mentemque gratam, ut lucusque fovi, etiam fideliter servaturum, nec unquam in posterum eorum immemorem futurum, quorum doctas scholas adii quique comiter me exceperunt. Siut salvi omnes, et ut res eorum exoptato succedant, vota facere non desinam.

Dab. die III. ante idus Augusti MDCCCXXV.

POSITIONES CONTROVERSÆ.

I.

Saltem octo fuerunt Hippocrates.

II.

Quid ex reliquiis Ἀσκληπιάδων Κόων Hippocrati secundo tribuendum sit, hucusque non dijudicatum est.

III.

Hydrops ventriculorum cerebri acutus in quovis curriculi momento accurate dignosci potest.

IV.

Glaucoma nec morbus retinae, nec morbus corporis vitrei.

V.

Sunt certa polyporum cordis signa διαγνωστικά.

VI.

Paratio pupulae vicariae in tunica sclerotica omnino rejicienda.

VII.

Inflammatiō, qua talis, non peculiare medicinae genus postulat.

VIII.

Saccus herniarum semper linquendus, licet reduci posset.

IX.

Caput fetus modo in suturis perforator.

X.

Omnes morbi, qui vulgo tanquam inflammationis exitus considerantur, sine inflammatione exorire possunt.
